

Պարտաւորութիւն Ռաբբիական, ի Սաբատա և
 ի Հիւրեթա իմաստութիւն լիցիւն Հայաստան
 եկեայ :

Գ .

Լի սուղ ինչ օգտեն և բարերա-
 րացն իմաստութեան առատութիւն
 և սատարողացն ջան, եթէ ոչ հաւա-
 սար և զուգակիր լիցի փոյթ որոց մա-
 տակարարիցին : Այլ ուրուք լցի կա-
 րօտութիւն՝ եթէ գանձի պատահեալ
 առանց ձեռին կարկառման անցեալ
 երթիցէ, կամ եթէ առեալ յուսկտոս
 ընդ վայր վատնիցէ . և որպէս ի բա-
 նակի համախորհուրդ ջան և վաս-
 տակ պահանջի և ի սպարապետէն և
 ի զօրագլխացն և ի զօրականաց առ-
 ի յամբոյ յաղթութե պատերազմին,
 նոյն և ի մերումն իրի . նովին հոգւով
 անկէ վառել հետեւողաց իմաստութե՝
 որով բարերարքն ձեր ջեռան, և սա-
 տարողքն բորբոքեցան . որպէս զի առ-
 հասարակ լիցի ազգիս իբրեւ զանտառ
 մեծ միով հրով հարթ հաւասար հրդե-
 հել : Այլ եթէ տակաւին ոչ շնոր-
 հեցաւ ամենեցուն առնուլ զջերմու-
 թիւն և զլոյս իմաստութեան, զիարդ
 և է ինչ պատճառանօք, դուք որք
 այժմէն ի դպրոցս դեգերիք ի սուրբ
 ատրուշանս անծախական հրոյն, գի-
 տասջիք դուք քաջ զպարտս և զյա-
 տուկ շնորհդ, և զնուազութիւն եղ-
 բարց ձերոց յանձինս ընուլ մի վերջաւ
 ջիք : Արանի է ձեզ, զի որում հարքն
 ձեր ցանկացան և հալեցան՝ գտողք
 եղէք անաշխատ . նոքա տեսանեն
 դեռ ևս, և ձեզ միայն տուեալ է վայե-
 լել . նոքա զքաղցրութեան իմաստից
 գիտացին զճաշակս, դուք փորձով ի-
 մացարուք . ի նոցանէ խուարին օ-
 րէնք բարձան, այլ ձեզ տուաւ ի լոյս
 թեապարել . գիտացին նոքա զօգուտ
 իմաստութեան՝ առանց կարելոյ ի
 ձեռս զնոյն բերել, որպէս ձեզդ եղև

մարթ : Արանի ուրեմն պարտականք
 իցէք անզուգական շնորհին՝ զոր ան-
 արգամեծար տէրն պարգեւեաց ձեզ
 ի բերուց ընտրելոցս ազգակցաց . զի
 անշուշտ սա և յաստուածայինն որ
 մարդումս պարգեւին շնորհք՝ զառաջ-
 նագոյն տեղիսն ունի . իբր զի եղելու-
 թեամբ ծննդեան ի կեանս վայելեմք
 անխտիր, այլ իմաստութեամբ՝ ի
 բարւոքն կեալ : Այլ իցէ՞ բնաւ որ
 յայսմ հետէ վատութեամբ ուստիս
 առնիցէ զսովաւ, կամ ի ծրարս ինչ
 ծուլութեամբ ծրարեալ անծնողական
 գործիցէ զամենաբարին գանձ : Այլ
 աղմուկք խաղմարարք ըստ խժական
 ազանց սահմանի, կամ նախանձ ինչ
 մեհենասէր քրմաց, կամ թերութի
 քաջահնչող հեգենայից, և կամ որ
 այլ այսպիսի ինչ, զի չասացից զխո-
 րենացւոյ մեղադրութիւնն, զնախ-
 նեօք մերովք զանուսուսմութե ար-
 կին նախատինս, որքան յայժմուս
 դէպ ժամանակ զնոսին ջնջել և ու-
 սուսմասիրութեանն անուամբ պա-
 կել, որպէս և էն արժանի, զգարմ
 Հայկայ :

Հայկա մանկունք առաքինիք, և
 համօրէն Հայաստանեայց աշակեր-
 տութիւնք, զորս յառաջատեսութի
 Ռարձրելոյն ընտրեաց առ ոխրալիս
 գործ, ի նորոգումն կործանելոյ տա-
 ճարին իմաստութեան յայրարատեան
 բարձանց . ի նոյն կատար արդ արձա-
 նացեալ իմաստութիւն որպէս ծիրա-
 նեփառ թագաւոր՝ հրաւեր ձեզ կար-
 դայ որդւոց նախնի փարազանց աշ-
 խարհի . ի հաւաստիկ ես « արմատա-
 » ցայ ի փառաւոր ժողովրդեան . . .
 » ոստք իմ ոստք փառաց և շնորհաց . . .
 » Սատերուք ամենեքեան որք ցան-
 » կացեալ էք ինձ, և յարմտեաց իմոց
 » յագեցարուք » : Այս լոյս կարգեալ
 ի գլուխս ճանապարհին անմահու-
 թեան, ես ինքն ճանապարհ և ես
 օթեան հանգստեան . ընթացարուք
 քաջութեամբ և լերուք հաւատա-
 րիմք առ ինսամոյն ձեր Ստուած, առ
 բարերարսդ որք ի նմանէ յարուցան,

և առ սատարողսն ձեր, առ ազգդ կարօտեալ, և առ անձինս ձեր համբուռն:

Հաւատարիմք նախ առ Մատուած լինել պարտք են հետեողացդ իմաստութեան, ի խորոց հոգւոց երախտահատոյցք նմա գոլով վասն գիւտի շնորհիդ. զոր թէպէտ բազում անգամ յեղյեղեցի, այլ և դարձեալ ասեմ՝ թէ քիբ իբրեւ զնա: Օ ի զինչ է որով զլիցէ մարդ զընդարեգակամբքս. ապաքէն հոգի պատկեր Մատուծոյ, որով միայն յամենայն նիւթականաց վերացեալ՝ ի նախատիպն իւր յօգանայ, յեթերաձեւ սահմանէն իջեալ անդրուվարեալ ընդ երկրաբարշ մարմնովս՝ թեթեւացուցանէ թռուցանէ, ի նոյն դարձեալ յաստուածայինսն վերաչուէ կայս. սակայն յիւշ, մի կարի երագես վարգես հոգիդ իմ յազատ սահմանսն. զի թէ ոչ սանձ քեզ առեր զիմաստութիւն և մտրակ անկուշող մարմնոյդ, համօրէն ի դուբս և ի վիհս անելանելիս քեզ անկանել պիտի: «Սերձենալ առ Մատուած բարի է յոյժ, քաջիմաստն իմ ասէ Սադիստրոս, և ոչ այլ ինչ» հնար մերձենալոյ՝ եթէ ոչ գիտուլ թեամբ լուսաւորել զանձն: Ս հմանկունք, ով պարասողք իմաստութեան, տեսէք որպիսո՞ւմ բարւոյ նուիրեալ են սակաւ և գիւրանցիկ ամբ աշակերտութեանդ. եթէ վայրապար կորուսջիք զայնս, զինչ այլ մնայ ձեզ պատուականագոյն քան զայն կորուսանել: Ս վ ժամանակ ժամանակ, միակ ճոխութիւն մարդոյ և իմաստութի, ով կեանք իմ և իմոց համազգեաց. որքան ռիշդք են մահացուք ի ճառելն զքէն, և որքան առատք ի վաճառելն. և զքեզ մանաւանդ, ժամանակդ ժամանակայ, ծայրակարմիր արշալոյս կենաց մանկութեան առաւօտի, զքեզ դեռափթիթ բողբոջ դաւարազուարճ, որ ի ծրարս ծայրիդ բարձեալ բերես ընդ փափուկ թերթիւք ամացդ պատատեալ զծաղիկ արբուն հասակին և զպտուղ կատա-

րեալ մարդկութեան սերմամբն հանդերձ անմահութեան յաչացս ծածկելոյ. ո՛հ, մի լիցի զքեզ զգրաւականդ յաւիտենականութեան կորուսանել իմոյին գրոհի հետեողաց իմաստութեան, և մի ապա ի զուր նստել ի լաց և ժտել զգարձ քո Մատուծոյ, որ ոչն երբէք այդմ լսէ. զի որ մի եթէ հոգի զուգեաց մարդոյս, մի միայն հաստատեաց և մանկութիւն նշան և վկայ հետեալ կենացն որ աստ և որ ի հանդերձեալսն:

Հաւատարիմք լերուք և առ Ռաբերարսն ձեր, որք ձրի ընձեռեալ ձեզ զընծայեալսն ինքեանց Մատուծոյ, և ոչ ինչ աւելի ի ձէնջ խնդրեն՝ բայց զի ընկալուք և վայելողք նոցին լինիջիք. և զինչ քան զայս հեշտին և ցանկալի. կամ զինչ անմտագոյն և անադորոյն քան զայն՝ զի ապախտ ոք զսովաւ արասցէ: Ս թէ գիտէիք քանի՜ անշքութիւն սպառնայր ձեզ խրթնացեալ բաղդ ազգիս, եթէ ոչ սոցա թափեալ հանեալ էր զձեզ և ի դրունս պայծառութեան մեծի կացուցեալ: Ս հ, արտասուք արեան խառնին յերակունս սրտիս յորժամ յիշեմ զգրկեալսդ յայսց շնորհաց՝ ի խաւարային բանտս մտաց դանդաճեալս, ստուերակերպ իմն թափառումն առնելով յերեսս երկրի, տաժանամբ ստանձնեալ զծանրութիւն կենաց սուղ ինչ ի վերոյ քան զջուրս պաճարաց կացեալ, որոց ոմանց թերեւս ի ձէնջ հանդերձեալ էր արածողս լինել. կամ ի խռան տախիան տարաբաղդիկ ազանց խառնակեալ բազում անգամ քմազարդ հաճոյից տերանց բռանց արբանեկելով, կամ առ դոյզն շահու յանփառունակ գործ զանձինս մատնելով. կամ առ ի չքգոյէ բաւական խելաց և մտայ՝ նենդաւ և մանկաւ զընկերին հանելով, և որպէս հաւորսք յար դարանօք և թակարդովք շրջելով, միանգամայն և անձանց զգուշացեալ ի հզորագունիցն ծուղակաց, և համօրէն ի չքնաղից և յաստուածակերպն դիմաց ի-

մաստուծեան զիրկք ելով՝ վարկաւ-
րազի ընթացիւքն հասանել 'ի կէտն
կենաց՝ յաճախ անգէտք անտեսացն ։

Իսկ այժմ, ո՞վ սքանչելեացս, քա-
նի՞ այլակերպս և վեհս զձեզ տեսա-
նեմ յայնմանէն ։ որպէս գեղազարդ
ձագունք ծաղկաճեմք 'ի միջոյ գետ-
նասող զեռնոց ոմանց յանկարծոյն
թեւացեալ վերացեալ յազատութի
օդոց ճռուողաբար ձայնիւք խոսալ
խայտալ ։ զճառս ձեր լեւմ 'ի բանա-
սիրաց կաճառս, և զմատեանսդ 'ի
գրանոցս ընթեռնում, և ընդ թարգ-
մանութիւնս օրինակագրացդ յօտար
լեզուս յաւէտ սիրանամ ։ Ինչոքութե
արտասուք ելանէն 'ի լիճլուսոյս յոր-
ժամ 'ի դահլիճս մեծամեծաց զհայ-
կական մատանցդ զծնունդս տեսա-
նեմ 'ի նկարս և 'ի քանդակս, զսիրե-
լիսն իմ զգրիգորեան քահանայու-
թիւնս կերպարանեալ եդեմական իմն
ծաղու, կամ զահեղ մեծութի հայկ-
ազնեան դիւցազանց ցոլակն աչօք,
հերապանծ գիսակօք, քաջալանջ և
թիկնաւէտ իրանօք, բարձր և յաղթ-
հասակաւ, երազ և առ ամենայն
պատրաստ ձեռօք, և հսկայաբար նա-
զանօք ։ Օ ոմն 'ի ձէնջ տեսանեմ ան-
զբազօրէն՝ ուռնեաւ ոմամբ կամ
սաղարթագողարձկաղամախեաւն հո-
վանաւորեալ՝ զբնութեան պատկեր
նախ յաչսն և 'ի սիրտ նկարելով ըստ
ամենայն հրաշարուեստ քատակի տիե-
զերագործ մատինն, և ապա 'ի ջեռ-
նուլ ախորժակացն մղումն ձեռին տա-
լով՝ ճշգրիտս իմն քան զնախատիպն
յերանգ և 'ի ձե ածել 'ի քարտին ։
Եւ 'ի հրապարակն անցեալ՝ 'ի մերկ
գետնի զոր բազում անգամ կոխեալ
էր իմ, տեսանեմ տաճար իմն զար-
մանագործ հոյակապ բարձրացեալ
վերացեալ, և ընդ նմին զիս ինքն վե-
րաբերելով հասանեմ յերկնանման
գմբէթն հրաշակաւոյց, զոր նոր ոմն
Տրդատ արամեան յերկինս զետե-
ղեաց ։ Եւ այն որ երբեմն ընդ ան-
բանիցն ջուկս բաժանէր զգետնափոր
'նկուղն՝ արդ զաչսն սրականագոյնս յար-

փենիցն ճեմեցուցանէ կամարս՝ յա-
կանէ յանուանէ ընդ ստեղծողին կո-
չելով զհայկն և զԼ՝ ահագն, զԼազ-
մաստեղն և զՓառազնոտին, և ընդ
նոր և ընդ հին ճանապարհս արեգա-
կանց անցեալ յառաջեալ՝ յանզգաս-
տից իմն հասանի հարկանի ընդ պա-
րիսպն մտաց անանց և ընդ դուռնն՝
ընդ որ հոգւոյ միայն է անցանել, և
զիւրոց ջանից մրցանակ զիմաստու-
թեանն պսակ կախեալ զնմանէ՝ տա-
կաւ յինքն դառնայ ։ Եւ այլ ոմն լու-
ծական դաշտաց նահատակեալ՝ զնոյն
ջուր և ճանապարհ և ճանապարհին
վարիչ երիվար գործէ 'ի կատսայն
անհնարին փքոցուռոյց եռացուցեալ,
և զաննուաճելի փողոց ահիսպարա-
նոց ծխոյն կալեալ անարգել յոր կոյս
և կամիցի արշաւեցուցանէ զնոր զայն
փրփրերախ նահագ ծովային, և ով
կիական լերանց յաղթեալ հարթեալ՝
ողորտից տիեզերաց դիմագրաւէ,
ողջունելով զափունս յոր տակաւին
չէր կոխեալ անխոնջ գարշապարաց
հայկազնեայ վաճառականաց ։ Իսկ
և միւսն տարաշխարհական ուղեու-
րութեանց եղեալ մշակ ընդ ցա-
մաք՝ մանրազնին և բանասէր աչօք
անցեալ ընդ աշխարհս յոր բնութի
կամ արուեստ հրաշալիս ցուցանիցէ,
երթեալ հասանէ 'ի մայրն աշխար-
հաց և բնութեան և արուեստի ։ զի-
նուն ուսմանց զխաւար տգիտական
բարբանջմանց հերձեալ, ջահիւ ի-
մաստուծեան զհնութիւնն լուսաւո-
րեալ, աշխարհագէտ մտօք զաւերակ-
սրն ընթերցեալ, քննէ և իմանայ
զծածուկս հարբայ, Լ՝ իմաւրայ, Լ՝ յո-
տաշիսեան և Լ՝ րուանդեան չինից,
զԼառնոյ և զԼ՝ նւոյ ։ նա և յառաջան-
ցեալ խոնարհաբար ողջունէ զմեծն
Մասիս, և տիրաբար հարցանէ քանի
հրեղէն և ջրեղէն զօրութիւնք ձու-
լեցին զվսեմագոյնն լերանց և զառա-
ջին պատուանդան երկնաւորին, քա-
նիցս հուն անցի ընդ հարստակող ի-
րանսն գործեալ գետք հրածորանք ըզ-
դաշտս Լ՝ յրարատայ տրամացուցին,

կամ որքանիցս ընդ ահաւոր և խոր-
խորին որկոր նորին վերափոխունք ե-
ղեն ծխոյն ծծմբոյ, կամ երբ և ո-
րով տիեզերասասան թնդմամբ ստե-
ղըն նորա միաբուն յերկուս պատա-
ռեցաւ գագաթունս միմեանսայարս՝
'ի ստորեւ անմեկին զսկզբնական օ-
րէնս զուգութեանն պահելով, յորմէ
պատկառին իբրեւ 'ի թագաւորէ մե-
ծէ համօրէն լերինք վերնոյն Միւրոյ :

ԲԱԼ բաժէ, ցորվայր ձգեն տա-
նին զմեզ հրաշք քաջաց հետևողացն
իմաստութե . մի ինչ երկմտեսցիք, զի
և այդ ամենայն ոչ մեծագոյնիք իցեն
բարեացն զոր գտցիք յիմաստութե .
վասն որոյ և զբարերարսն ձեր ան-
մոռաց յուշի ունելլ ցանկալի իցէ ձեզ :
Ինդ նոսին և զերկրորդ բարեաց և
կենաց լեալ ձեզ պատճառս զիմաս-
տութե սատարողս, զդաստիարակն
ձեր, որք բազում ճգամբ անձանց
չահեալ զնոյն 'ի ձեզ գանձել սիրեն,
յանձն առեալ զտաժանագոյնն եր-
կանց՝ զորդիս բնութեան յորդիս ծնա-
նիլ շնորհաց . քանի խնդութիւն և
վարձս վաստակոցն փոխանակիցէք
նոցա՝ եթէ ընդ հլուութեան և ընդ
ջանս ձեր տաջիք նախատես աչացն ո-
ցա նշմարել զկատարելութիւն կե-
նացդ և զզօրավիզն տկարացեալ ազ-
գին մերոյ, յոր սակս ոչ անխայեն
մատակարարել ձեզ առատութեամբ
զյորդոր և զխրատ, զժամանակ և զա-
նօթ, զքիրտն և զսիրտ :

Իսկ ինքնին պատմեցէք աս-
տանօր զսքանչելի օրինակ նոցա յան-
կաւոր ջանիցն, յոր տեսէքդ և վայե-
լէք, զանխոնջ խնամս հօրն այն մե-
ծի՝ որում յանձնեցայք 'ի բնական
ծնողացդ, որ զմի մի 'ի ձենջ իբրեւ
զիւր ձեռասունս սանիկ սիրեաց և գը-
գուեաց . ձայն երախտեաց ածէք հըն-
չեցէք յԱռաքինին և յիմաստասէրն
կատարեալ, որպիսիս զձեզ կամէրն
լինել 'ի գլուխ ակմբիս կացեալ . և

1 Գերապայծառ Սուբիաս Վ . Սոմալեան Ար-
հիեպիսկոպոս և Աբբայ, որ 'ի 10 փետր . տարւոյս
հանգեալ 'ի տէր :

այժմ . . . ՍՏ անժպիտ լըջութիւն
ո՛հ գուժկան լուութիւն՝ որ յանկարծ,
զգուարութութիւն ատենիս 'ի սուգս
համակէ . ո՛ւր ես հայր, զորոյ զգիրկս
և ես ինքն գտի ասպնջական և դայեակ
աղկաղկ հասակիս, յորժամ յաշխարհէ
ուծացեալ, զսիրելեացն որ անդ՝ 'ի
քեզ մոռացայ զանձուկ . ո՛ւր դադա-
րեալ աստուածպետականդ գահադը-
լուխ կաճառոյս . ահա զպատկեր քո
զնոյն օրինակ քաղցրահայեաց քաղ-
ցրաժպիտ տեսանեմ որպէս և միշտն,
և հիմ ոչ բարբառիս այսօր, զմէ՛ զօրհ-
նաբաշխ աջդ ոչ կարկառեալ զքոյի-
նասէր ակմբովս . . . ԲԱԼ զի՛նչ ասեմս,
զա՛ջն, զձա՛յնն . ահա բոլոր բովան-
դակ հոգին այն պատկեր ճշգրիտ հո-
գւոյն հեղութեան հովանացեալ կա-
լեալ ունի զտաճարս, և ընդ համայն
ակնարկեաց մերոյ մի մի ձայնս և յոր-
դորս լեմբ յիմաստասիրութե ջանս .
ինքն գողացեալ յըղձից մերոյ 'ի ձեռն
հօր պաշտպանացն՝ 'ի գլուխ երկնա-
ւորին ձեմի Սուկաւայ՝ զցօղս օրհ-
նութեց առուաբար զողջոյն հայա-
ստանօքս հոսելով . քաջապէս զըն-
թացս բարեպաշտութեան և զիմաս-
տասիրութե կատարեալ, ընդ Սը-
խիթարայ և ընդ Վրիգորի երթեալ
հանգչի զհանգիստն այնչափ քաղցր՝
որչափ որ միամտութեամբ վաստա-
կեցաւ աստանօր վասն Մատուծոյ և
վասն ազգին իւրոյ . զհանգիստն նմա
յոյժ արժանաւոր յետ յիսնամեայ նո-
րա այսպիսի վաստակոց, յետ չորիցս
ընդ արեգական ծրիւն անցեալ 'ի
գոգն ուլկիանու վասն բարւոյ ազգին
դիմագրաւելոյ, յետ քսանամեայ ճը-
գանցն 'ի բարգաւաճանս ուխտին իւ-
րոյ՝ որով զազգն բարգաւաճել գիտէր .
յետ զյոգունց մոռացեալ և զ1500
ամօք մահացեալ նախնեաց մերոյ մը-
տաւոր յիշատակս առաջին անգամ 'ի
լոյս ընծայելով տպագրութեան . յետ
հնգետասանամեայ մարմնոյն վշտա-
կիր ցաւոց, որով համբերութեան նոր
գաղափար ընծայեցաւ աշխարհի . յետ
երկոտասանամեայ անդուլ խոկմանց

և զործոյ 'ի զարգացումն վարժարանաց յանձնելոյ 'ի խնամանորին : Այն խնամք անխոնջ հոգւոյն բարեսիրի յաւերժ յիշատակ հայկեան դիւանաց , այն խնամք ոչ թողին զսիրտ նորա մինչև 'ի մարմնին էր . անբծութի հոգւոյն՝ հարեալ 'ի դէմսն խաղաղահանս , ընդ որ զուարթունք զինքեանս իբրև 'ի հայելոյ կերպարանէին մինչ 'ի մահահանգիստ բարձին հանգչէր , ոչ մոռացաւ 'ի պայծառ և յաստուածամուխ տեսութիս յետին ժամուցն՝ զսրբութի սիրեցեալ իւր օթարանս իմաստութեան ազգին . սահեալ ընդ մէջ մահու և անմահութեան՝ հազիւ հազ հայեացս մի , բարբառ մի , շարժուած մի այլ մնալով 'ի նմա , ահեկին օժանդակութի կանգնէր զաջն՝ որով զկէս ատենիս 'ի պաշտօնեայս Աստուծոյ էօծ , և զամենեւին օրհնութեամբ երկնից պարարէր , և կնքեալ յօդս՝ ասէր , () րհնեմ զգարոցսն . . . () րհնութիւն զոր անդէն հրեշտակաց յափշտակեալ գողգօթուն ձայնին հաստատեցին զգարոցն մեծ . օրհնութիւն որ ցարդ բարբառի 'ի սիրտս մեր և 'ի սրահս վարժարանիս . օրհնութիւն որ դրաւական աննախանձ սիրոյն իւրոյ 'ի վերանալն յերկրէ՝ յաւրոյց փոխանակ իւր Աւաջնորդ մեզ և յառաջացուցիչ տանս խորհումայ ըզհայրապետ 'ի քրիստոսեան գահէն մեծարեալ և 'ի Աստեացս ողջունեալ այնպիսի՝ յորմէ արդիւնս մեծամեծս անհնար է չլուսալ :

Իայց զի մի աստանօր բեկբեկեալ բանիւք և շնչով զվեհից և զարժանաւորաց գովեստս բովանդակել կարծիցիմ , զայն այլոց թողեալ , ազդարարից դարձեալ հեռեւողացդ իմաստութեան , զնոցա զայնքան ջանս տեսանելով վասն սիրոյ և օգտի ազգին՝ 'ի նոյն սէր և 'ի ջան վառել և ձեզ . քանզի միայն դոքին կարեն կանգնել զպարծանս նախնեաց մերոց :

Այլ 'ի կանգնել անդ զազգի՝ օգնական տկարութեանց նորա լինելով , յերախտահատոյցդ լինել առ բարե-

րարսն ձեր և վաստակաւորս և առ Աստուած գլխովին , ում առաւել բարեգործակք և երախտաւորք գտանիցիք՝ քան թէ ձերոց իսկ անձանց . զի ամենայն զոր վասն նոցա վաստակիցէք՝ 'ի ձեզ դարձցի ամենայն , և դուք յառաջ և 'ի վեր քան զքնաւս դուք լինիջիք ճանաչողք և վայելողք բարօրութեանց ազգիդ ձերոյ . ձեր լինիցին մեծամեծ վայելք և խնդութիւնք , յորժամ վերացեալ մտք տեսանիցէք զգամ քան զգամ մերձեցեալ արդիւնս ջանիցդ և զձերոցնմանեայն , և լուիջիք զնորհաց մաղթանս և զվկայութիւն յազգէդ և յօտարաց :

Իւրաքանչեւ արդ քաջալերեաց ուսումնավարժ մանկտի Հայաստանեայց . դոյզն և սակաւ են ժամանակք քրտանց և վաստակոց , յաւերժականք են վայելք հանգստեանն : () ն փութա , գիրկս արկ իմաստութեան որ կոչէն զքեզ , զի « Վերաւ » երևի սիրողաց իւրոց » . 'ի սկզբան աւուրց քոց ջանա՛ ընդ Սողոմոնի զնա ածել քեզ կենաց կցորդ , զի « Ինձ » հութիւն է ազգականութիւն նորա » . Եկ դիր զսիրտ քո՝ 'ի ներքոյ քաղցր գաւազանի նորա և հովուեսցէ զկիրս քո , և վարեսցէ զչարսն որ 'ի բանսարկուն թելադրութի՝ յանձնէքումէ , և ապա լուսաւորեսցին մտացդ աչք . « Օհ յանձն չարա » , ըստ իմաստութիւն ոչ մտանէ » . և ըստ Աւթաղեայ աղերսական բանին , « Իայն օգնական չարեաց զան » , մտութիւն գտի » , որ է անիմաստասիրութիւն : Ասիր զիմաստութիւն և եղիցին լուսաւոր ամենայն ճանապարհք կենաց քոց , և մի որպէս ըգտգէտսն լինիցիս՝ զորոց ասաց գովեալս մեր Ագիստրոս . « Իմենայն » գործառնութիւնը նոցա անվաւեր » , ըսկանք » . ուսիր զիմաստութիւն և կեցցես ուղղութեամբ , և իբրև հմուտ և յառաջածանօթ հանդերձեալ աշխարհին՝ անցանիցես զուարթութեամբ , և մի որպէս զթիւրեալ-

սըն անիմաստութեամբ իբրեւ զանա-
սուն 'ի մահա՛խ խառնեալ և 'ի խղ-
ճէն դանդա՛ւեալ . քանզի « Կոյր զըկի
, 'ի ճառագայթից արեգական , և
, տգիտութիւն զըկի 'ի կատարեալ
, կենաց » . ուսիր զիմաստութիւն ,
վախճան բանիս , զի և անմահութեն
զոր անդ վայելիցես՝ մնայցէ յիշատակ
և աստէն , որպէս զհոտ վարդի և զհա-
լուէի որ զկնի ծաղկանցն անցելոյ . և
մի լինիցիս նման այնոցիկ « Արոց զի-
, մաստութեամբ զանց արարեալ՝ ոչ
, միայն փասեցան տա 'ի չճանաչելոյ
, զբարիս , այլ և զանմտութեան յի-
, շատակ թողին յաշխարհի » :

Ա՛վ բարեբաղդի հանդիպեալ դա-
րու և վիճակի մանկունք Հայաստա-
նեայց , և դուք դաստիարակք իմաս-
տութեան , և դուք բարերարքք և նու-
րին աճելութեան պատճառք , ընթա-
ցարուք իւրաքանչիւր հաւատարմու-
թեամբ յիւրական շաւիղս ասպարի-
զացն իմաստութեան , զոր ամենա-
խնամ գթութիւն բարձրելոյն եբայ
վերստին 'ի Հայաստան աշխարհիս .
ահա ընկերք ձեր առաքինիք 'ի գլուխ
ստադին հասեալ կան պսակաւորք լէ
հանդիսադրին () Խուսի իմաստու-
թեանն իսկականի ձեմն առեալ , և
ձեռամբ վարուց ձեզ խրախոյս տա-
լով . այլ և ընթացակիցք գոն ձեր ա-
ռաքինիք անշեղ ակամբ 'ի նպատա-
կէն՝ դիմելով , և ձեզ համարձակու-
թիւն տալով . յաջմէ հոգիք հարց ձե-
րոց նախնեաց ընտրելոյ սաւառնեալ
զդրօշս ցուցանեն զոսկեղինիկ տառն
ՓԱՌՔ ԱՆՄԱՀՈՒԹԵԱՆ . և յահեկէ
անհուն դասակք ուրուականաց ապա-
գայ որդւոց Հայոց զգեռ տօգոյն զիւ-
րեանց նշանն վերացուցանեն տար-
րացեալ 'ի նմա տառիւքս այսոքիւք ,
ՅՈՅՍ ՓՐԿՈՒԹԵԱՆ . և յառաջոյ ինք-
նին տէրն համօրէն սրբովք և հրեշտա-
կօք գրկատարած և պսակամատոյց մնայ
ձեզ գօչելով , ՊՍԱԿ ՅԱՂԹԱԿԱՆ ԱՅ :

հ . Ղ . Մ

ԲԱՆԱՍԻՐԱԿԱՆ ՏԵՂԵԿՈՒԹԻՒՆ

ՀԱՆՈՍՈՒԹԻՒՆ

Հայկական հոռութեանց վրայ :

ԽՈՐՈՒՆԿ բաղձանքները մարդուս
սիրտը երկար ատեն որ դրաւեն , շատ
մտածող կ'ընեն զինքը . և որչափ ան-
ձեռնհաս ըլլայ իր վառուած փա-
փաքանացը հասնելու , կարծես թէ
այնչափ ծանրութիւն ու մտմտութեւ
կը տիրէ վրան . ալ անկէ ետքը զուար-
ճութիւնն ալ տխրութիւնն ալ իր
սրտեռանդն խորհրդոցը մէջ կը գըտ-
նէ : Բնութեան առանձին և սոսկա-
լի ամայութիւնները իրեն միութարա-
կան բան մը կուգան , և հոգին կարծես
թէ ինքիրմէ դէպ 'ի հոն կը քաշուի :

Լճայիսի զգացում մը կուգար
նաեւ իմ վրաս՝ երբոր Ս' ջերկրական
ծովը հեռուն ձգելով , Հերակլեան
արձաններէն դուրս ելայ Ովկիանո-
սին վրայ սեպտեմբեր ամսոյն վեր-
ջերը : Լ'ն մեծ ծովուն լայնութեւ
համեմատ իմ բաղձանքներս ալ ընդ-
արձակ կուգային կրնամ ըսել : Եւ
առտուններ և շատ իրիկուններ նոյն-
պիսի անբաւ ջրերուն մէջ կը ծփէինք ,
և նոյն բնութեան ահեղ տեսարանն
էր որ մեր չորս դին կը պատէր . թէ-
պէտ կ'ամսոտէր երբեմն երկինքը ,
երբեմն ալ կը պարզէր , բայց մենք
միշտ ան անհուն ջրերուն կեդրոնը կը
գտնէինք զմեզ : Երաւ որ ան ահա-
գին երեւութին վրայ երկար ատեն
պէտք չէր նայիլ՝ առանց յափշտա-
կուելու հաճոյական խորհրդոց մէջ .
անոնք ալ աս ջրեղէն սահմաններուս
վրայ չիյտեմ ինչպէս կ'աւելնային
մարդուս միտքը , և անբաւական սիր-
տը շատ հեղ կ'երէր կը մրկէր ու կը
փղձկէր : Եւ իմութեան մէջ թռած ան-
ձայն հառաչանքները հովերը միայն